


Recorido pa muchanan di school

Bus special pa "Tour cultural"



ORANJESTAD (AAN): Muchanan di school ta bishita biblioteca den grupo. Esaki den cuadro di UNOCA su proyecto "Tour cultural".

E muchanan di 2de klas di schoolnan secundario ta subi bus pa bishita seis instancia cultural cu conhuntamente ta envolvi den e proyecto aki. Diahuebs mainta biblioteca a haya un bishita.

E tour ta cuminsa 8 or di mainta y tin un duracion di 3 ora, e ta pa grupo maximo di 40 mucha pa duna e instancianan oportunidad pa duna un bon informacion. Por mira riba potret cu Bibliotecaria Lourdes Croes ta duna un grupo un splicacion di kico Biblioteca Nacional Aruba, en especial departamento Arubiana, tin pa ofrece muchanan di school.

E instancianan cu ta coopera den e proyecto aki ta Museo Historico Aruba, Museo Arqueologico Aruba Archivo Nacional Aruba, Biblioteca Nacional seccion Arubiana, Cas di Cultura y Unoca, Departamento di Cultura y Departamento di Enseñansa. Coordinador di e proyecto pa UNOCA ta señora Margriet Lee-Tromp.

E idea ta pa despues e hobennan mes keda bishita e instancianan cu nan ta bishita, bin cu nan famia, of cu school mes pa traha riba proyectonan. Sigur un proyecto hopi educativo y util pa e studiantenan. Biblioteca Nacional Aruba, den e caso aki departamento Arubiana, ta hopi contento di por

a forma parti di e proyecto. A haci bon uso di e oportunidad pa duna informacion y haci e studiantenan conoci cu e servicio cu ta ofrece na studiantenan y publico en general.



Telefonnan di
DIARIO 582-6747
Fax 582-8551